

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA ZAJEDNIČKE POSLOVE
Broj: 10-04-2636/20
Lukavac, 24.06.2020. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 10-04-2636/20 od 23.06.2020. godine u konkurentnom postupku javne nabavke usluga osiguranja vozila-LOT 1, Pomoćnik općinskog načelnika za Službu za zajedničke poslove d o n o s i

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 10-04-2636/20 od 23.06.2020. godine, te se Ugovor za javnu nabavku usluga osiguranja vozila-LOT 1 dodjeljuje ponuđaču „GRAWE OSIGURANJE“ d.d. Sarajevo, koji je dostavio ponudu broj: 11621/20 od 27.05.2020. godine, za ponuđenu cijenu u vrijednosti od 6.107,00 KM kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-2630/20 od 12.05.2020. godine. Javna nabavka sprovedena je konkurentnim postupkom nabavke. Procjenjena vrijednost javne nabavke bez PDV-a je 8.000,00 KM.

Obavještenje o nabavci broj: 719-7-2-28-3-51/20 objavljeno je na Portalu javnih nabavki dana 13.05.2020. godine.

Komisija za provođenje postupka nabavke imenovana Rješenjem broj: 02-04-19-18/20 od 25.05.2020. godine dostavila je Zapisnik o pregledu i ocjeni ponuda broj: 10-04-2636/20 od 23.06.2020. godine, Preporuku o izboru najpovoljnijeg ponuđača broj: 10-04-2636/20 od 23.06.2020. godine i Izvještaj o radu broj: 10-04-2636/20 od 23.06.2020. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno osam blagovremenih ponuda, a da neblagovremenih ponuda nije bilo;
- da su ponude ponuđača OSIGURANJE AURA a.d. Banja Luka, SARAJEVO OSIGURANJE d.d. Sarajevo, ASA OSIGURANJE d.d. Sarajevo, TRIGLAV OSIGURANJE d.d. Podružnica Tuzla, GRAWE OSIGURANJE d.d. Sarajevo, CENTRAL OSIGURANJE d.d. Podružnica Tuzla i EUROHERC OSIGURANJE d.d. Podružnica Tuzla kvalifikovane i prihvatljive, naime dostavljeni

su svi traženi dokazi propisani tenderskom dokumentacijom, na propisan način, a da ponuda ponuđača BRČKO-GAS OSIGURANJE dd Brčko, Podružnica Tuzla nije kvalifikovana iz razloga što je isti u sastavu ponude priložio Izjavu o ispunjenosti uslova iz člana 45. stav (1) tačka d) Zakona o javnim nabavkama i Pismenu izjavu iz člana 52. Zakona o javnim nabavkama potpisane od strane Šabović Amira na osnovu punomoći broj: 5658/20 od 05.05.2020. godine. Uvidom u punomoć utvrđeno je da je ista data od strane generalnog direktora Miladina Miloševića. Provjerom kroz Aktuelni izvod iz sudskog registra od 14.04.2020. godine utvrđeno je da je lice ovlašteno za zastupanje subjekta u unutrašnjem prometu Sofić Cvijetin-direktor, iz čega proizilazi da davalac punomoći nije ovlašten za davanje iste. Daljom analizom ponude utvrđeno je da je u Prilogu 3. Obrazac za cijenu ponude-Nabavka usluga osiguranja vozila-LOT 1 isti na strani 6. pod III. KASKO OSIGURANJE VOZILA pod rednim brojem 3. korektorom ispravio iznos.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 8.000,00 KM i da je kriterij za dodijelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok obrade odštetnog zahtjeva 2 %

Ponuđač „GRAWE OSIGURANJE“ d.d. Sarajevo, dostavio je prihvatljivu ponudu sa cijenom u iznosu od 6.107,00 KM i rokom obrade odštetnog zahtjeva 1 (jedan) dan, te je primjenom kriterija ekonomski najpovoljnije ponude isti osvojio 100,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za zajedničke poslove, Trg Slobode broj 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. BRČKO-GAS OSIGURANJE d.d. Podružnica Tuzla,
2. OSIGURANJE AURA a.d. Banja Luka,
3. SARAJEVO OSIGURANJE d.d. Sarajevo,
4. ASA OSIGURANJE d.d Sarajevo,
5. GRAWE OSIGURANJE d.d. Sarajevo,
6. TRIGLAV OSIGURANJE d.d. Podružnica Tuzla,
7. CENTRAL OSIGURANJE dd Podružnica Tuzla i
8. EUROHERC OSIGURANJE d.d. Podružnica Tuzla
9. A r h i v i.-



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(ovlaštenje broj: 02-30-2887/20 od 02.06.2020.)
Jasminka Dugonjić, dipl. pravnik